

Standardni uslovi nabavke HeidelbergCementa

za pogone u Bosni i Hercegovini (Tvornica cementa Kakanj, d.d. Kakanj i TBG BH d.o.o. Kakanj)

Verzija iz juni 2018.

Ukoliko drugačije ne bude ugovoreno, prilikom realizacije nabavke po ovom predmetu važit će "Standardni uslovi nabavke Tvornice cementa Kakanj i TBG BH, iz priloženog dokumenta.

I Općenito

1. Sljedeći uslovi i zahtjevi će biti predmet ugovora o nabavci. Drugi uslovi dobavljača neće biti dio ugovora, čak i ako nemamo izričitih primjedbi na njih ili smo svjesni dobavljačevih suprotnih zahtjeva i uslova, niti će bezuslovno preuzimanje robe biti dio ugovora.
2. Sve narudžbe, odobrenja i ugovori između strana, kao i bilo koja naknadna izmjena ugovora će biti važeća jedino ako je obostrano potvrđena u pisanom obliku. Modifikacije uve odredbe također moraju biti u pisanom obliku.
3. Posebni uslovi će se primjenjivati na montažu, održavanje, kontrolu, popravke i druge usluge.
4. Naši uslovi nabavke će se također primjenjivati na buduće transakcije sa dobavljačem.
5. Lokalni uslovi nabavke navedeni u narudžbi ili pojedinačnom ugovoru će imati prioritet nad ovim opštim uslovima.

II Cijene

1. Cijene treba postaviti unaprijed u narudžbi bez indeksacije, osim ako nije drugačije definisano u pisanom obliku
2. Cijene uključuje cijene za sve dodatne usluge tražene sporazumom (npr. špediterske takse DDP naša adresa, Incoterm 2010 (međunarodna pravila za tumačenje trgovačkih termina), pakovanje, osiguranje - izuzev transportnog osiguranja - troškovi kontrole)

III Vrijeme isporuke i klauzule

1. Ugovoreni rokovi su obavezni i moraju se bezuslovno poštovati. Čim dobavljač uoči da neće biti u mogućnosti u potpunosti ili djelimično ispuniti svoje ugovorene obaveze ili ih ne može izvršiti po rasporedu, mora nas odmah pismeno obavijestiti navodeći vrijeme i razlog odgode.
2. Ako dobavljač nije izvršio isporuku/uslugu unutar predviđenog vremena bit će odgovoran prema zakonu. Alternativno, stičemo pravo da obračunavamo penale za kašnjenje u isporuci.

IV Garancija

1. Dobavljač garantuje da isporučena roba u ugovorenoj količini, odgovara prihvaćenim tehničkim pravilima, statutarnom pravu i administrativnim propisima, a posebno onima koji se odnose na zaštitu okoliša, propise o prevenciji nesreća i zaštiti na radu, da nema defekta koji će eliminisati ili umanjiti njenu vrijednost ili prikladnost za uobičajenu/ugovorenu svrhu. Dobavljač je obavezan osigurati da je isporučena roba prikladna za navedenu svrhu.
2. Ako se na isporučenu robu primjenjuje Uredba (EC) No 1907/2006 Evropskog Parlamenta i Vijeća od 18. decembra 2006. (REACH – Uredba), dobavljač garantuje da je isporučena roba u skladu sa zahtjevima REACH Uredbe (uključujući registraciju). Dobavljač će nam nadoknaditi štetu zbog bilo koje potvrđene tužbe protiv nas od strane treće strane (uključujući i javne organe vlasti) nastale usljed neusaglašenosti sa REACH Uredbom. Dobavljač je obavezan informisati nas o bilo kakvoj mogućem amandmanu na REACH standarde, u vezi isporuke robe (npr. Modificirani Sigurnosni List) odmah i u slučaju da nismo tražili.
3. Imamo prava na garancijska potraživanja kako je propisano zakonom, ukoliko to nije posebno pismeno dogovoreno između strana. Nezavisno od ovoga, možemo, kao našu opciju, tražiti otklanjanje defekta ili naknadnu isporuku. U ovom slučaju, dobavljač snosi sve troškove potrebne za otklanjanje kvara ili naknadnu isporuku. Izričito zadržavamo pravo na odštetu. Odštetni zahtjev također uključuje indirektne, naknadne štete uzrokovane defektom i finansijsku štetu, osim ukoliko je dobavljač djelovao bez vlastite pogreške.
4. Primjenjivati će se zakonom propisani garantni period. Ukoliko je pojedinačnim ugovorom dogovoren duži garantni period, poštovat će se taj duži period. Dobavljač snosi punu odgovornost da roba zadrži svoje ugovorom propisane osobine tokom garantnog perioda. Garantni period će se produžiti za period tokom koga se zbog defekta roba nije mogla koristiti u propisanu svrhu. Za popravljene ili zamijenjene dio, primjenjivat će se novi garantni period koji će važiti isti period vremena kao i za originalni dio.
5. Dobavljač garantuje da ima uspostavljen i održavan prepoznatljiv sistem osiguranja kvaliteta i da to može potkrijepiti dokumentima, ukoliko se to zatraži od njega.
6. U svjetlu osiguranja obaveza kvaliteta, dobavljač je prema odjeljku IV.5, roba se pregleda samo s obzirom na njenu vrstu i količinu, te na vanjska vidljiva oštećenja uzrokovana transportom po dalasku. Kupac će obavijestiti o nedostacima kvaliteta bez ikakvog nepotrebnog odlaganja, a najkasnije u roku od 10 dana nakon otkrivanja. Dobavljač se do tada odriče odbrane odgođene obavijesti o nedostatku.

V Prava treće strane, prava industrijskog vlasništva i dizajn

1. Dobavljač garantuje da je isporučena roba slobodna u pogledu prava treće strane, a posebno da ne krši prava treće strane u pogledu industrijskih prava kao što su patenti, dizajn, trgovačka marka i trgovačko ime. Dobavljač se slaže da će nas držati bezopasnim i obeštetiti nas u slučaju bilo kakvih zahtjeva za povredu bilo kojeg vlasničkog prava, te za sve nastale štete ili troškove uzrokovane korištenjem ili prodajom robe u skladu sa ugovorom i odmah po našem prvom pisanom zahtjevu.
2. Dizajn, crteži, modeli, statistički profili, nosači podataka i slično, kao i bilo koji drugi materijal koji dostavimo ostaje naše vlasništvo. Zaštićeni su autorskim pravima i ništa od njih ne može biti predano trećoj strani bez naše dozvole. Također ih treća strana ne može koristiti u propagandne svrhe čak ni nakon isteka ugovorom utvrđenog roka tokom kojeg se može dosuditi kazna za kršenje ugovora. Osim toga, svaki takav postupak nas ovlašćuje za povlačenje iz ugovora, djelimično ili u cijelosti, bez plaćanja kompenzacija.

VI Osiguranje

1. Dobavljač će na svoj trošak sklopiti policu osiguranja dovoljnu da pokrije štete koje je prouzročio on sam, njegovi zaposlenici, njegovi zastupnici ili roba sama od sebe. Dobavljač će na naš zahtjev poslati dokaz o osiguranju sa iznosom pokrića u vezi sa svakim slučajem koji može prouzročiti štetu. Ukoliko dobavljač to ne izvrši, mi možemo, na teret dobavljača, sami provesti osiguranje, koje obezbjeđuje ekvivalentnu pokrivenost.

VII Upute u vezi transporta

Dobavljač se slaže da ćemo odabrati vid/način transporta koji je najprikladniji način transporta i sa najnižom cijenom za nas.

VIII Fakturisanje i plaćanje

1. Osim ukoliko nije drugačije predviđeno ugovorom o nabavci, faktura sa identifikacionim PDV brojem mora se dostaviti na adresu Selima efendije Merdanovića 146, 72240 Kakanj, Bosna i Hercegovina, nakon isporuke ili izvršene usluge.
2. Dobavljač je dužan navesti naš broj narudžbe na svim fakturama, transportnoj dokumentaciji i pri svojoj ostaloj korespondenciji. Ukoliko to ne uradi, snosi odgovornost za sve eventualne probleme proizašle iz ovoga.
3. Rok za plaćanje počinje od utvrđenog vremena, ali ne prije izvršene isporuke/usluge prema ugovoru i dospjeća važeće fakture.
4. Plaćanje neće biti smatrano nagodbom u vezi standardnih uslova i cijene. Vrijeme plaćanja neće uticati na garanciju dobavljača i prava ulaganja prigovora u vezi defekta na robi.
5. Ukoliko nije drugačije izričito dogovoreno, možemo obaviti plaćanje na način i u valuti koju mi odaberemo, unutar 14 dana sa 3% rabata za promptno plaćanje ili neto iznos nakon 60 dana.
6. Traženje plaćanja za dodatne ili alternativne radove će biti odobreno samo ako smo u pisanom obliku to naveli. Ako imamo primjedbe na dobavljača u vezi isporuke možemo zadržati dio plaćanja u vrijednosti ekvivalentnoj primjedbama.
7. Pravo vlasništva na naručenu robu prelazi na nas nakon plaćanja te robe. Ukoliko je plaćanje izvršeno prije isporuke, dobavljač mora jasno identificirati robu kao naše vlasništvo jasnom oznakom i čuvati je odvojeno od ostale robe koju on posjeduje.
8. Za bilo koje avansno plaćanje možemo tražiti, na teret dobavljača, izdavanje bankovne garanciju ili drugo osiguranje koje je prihvatljivo za nas.

IX Viša sila

Viša sila, koja uključuje rat i slične događaje kao i poslovni poremećaj bilo koje vrste, štrajk, blokade i druge uzroke i događaje koji vode smanjenju ili prekidu naših poslovnih aktivnosti, će nas ovlastiti da odložimo naše obaveze prihvatanja isporuke, te se u cijelosti ili djelimično povučemo iz ugovora. Odlaganje ili povlačenje ne ovlašćuje dobavljača za bilo kakvu žalbu u vezi bilo koje štete.

X Kodeks ponašanja za dobavljače

Mi smo opisali i dostavili naše razumijevanje međunarodno prepoznatih principa održivog razvoja i osnovnih okolinskih standarda, kao i socijalnih i radnih standard u našem dokumentu "Kodeks ponašanja za dobavljače", dostupnog na stranici: <http://www.heidelbergcement.com/en/purchasing>. Dobavljač će se pridržavati našeg "Kodeks ponašanja za dobavljače". Moguć je raskid ugovora o nabavci - ako je potrebno, a nakon prethodnog pisanog obavještenja - u slučaju da dobavljač krši principe i standarde navedene u "Kodeks ponašanja za dobavljače". Osim toga, od dobavljača se očekuje da obezbijedi da se njihovi zaposleni i podizvođači pridržavaju standarda sadržanih u "Kodeksu ponašanja za dobavljače".

XI Mjesto izvođenja, primjenjivi zakoni i nadležnost

1. Mjesto izvođenja će biti mjesto u koje se roba treba isporučiti ili na kojem treba izvršiti usluge.
2. Ugovor i ovi uslovi će se ravnati prema bosanskohercegovačkim zakonima, izuzev ugovora o međunarodnoj nabavci robe, gdje se primjenjuju konvencije Ujedinjenih naroda.
3. Nadležnost za sve sporove proizašle iz ugovornih odnosa sa dobavljačem će biti u našem registrovanom sjedištu, ili po našoj opciji, opštoj nadležnosti dobavljača.
4. U slučaju da lične podatke obrađujemo u okviru ugovornog odnosa ili tokom pregovora o ugovoru, činimo to u skladu sa zakonskim zahtjevima, posebno u skladu sa Opštom odredbom o zaštiti podataka i Zakonom o prilagođavanju i provedbi zaštite podataka EU. Dodatne informacije možete dobiti u našem informativnom listu informacije o zaštiti podataka za naše poslovne partnere, koji je objavljen na našoj web stranici <http://www.heidelbergcement.com/en/purchasing> i koji možete dobiti na vaš zahtjev.
5. Ovi "Standardni uslovi nabavke HeidelbergCementa za pogone u Bosni i Hercegovini" se primjenjuju na bosanskom i engleskom jeziku. Ukoliko nije drugačije isključivo navedeno u pisanom obliku, engleska verzija ovih "Standardnih uslova nabavke HeidelbergCementa za pogone u Bosni i Hercegovini" će biti korištena samo u informativne svrhe. U slučaju neusaglašenosti između bosanske i engleske verzije, verzija bosanske verzije će prevladati.

XII Valjanost pojedinačnih odredbi ugovora

Ako neka odredba u ovim Uslovima i zahtjevima jeste ili postane nevažeća ili poništena to neće imati uticaj na ostale odredbe.